

追悔往罪以修將來謹為某上請天一君具一君好生君延命君救命君五人官將各百二十人貴臣章上詣

太浩天曹北辰司命韓君門下玉案上却臣三官死解定著生籍重請无上天生君兵十萬人主收百二十殺鬼却死來生又請越千玉女二百人為某增益倉穀更延年奇願上章之日時蒙赦放應令某得出長夜復見日月君將吏兵言功舉運以為效信思惟太上分別哀臣愚劣謹因二官直使正一功曹左右官使者陰陽神決吏科車亦符吏剛風騎置驛馬上章吏官各二人出操臣某謹為某求乞延年益算保病扶衰恩章一通上詣
某天曹伏須告報臣某誠惶誠恐稽首頓首弄拜以聞

太上宣慈助化章卷之二


太上宣慈助化章卷之三

廣成先生杜光庭集

收犬子鬼章

具法位某誠惶誠恐稽首頓首弄拜
上言謹條某州某縣某鄉某里某官某為疾厄所侵凶鬼為祟上請天官君將吏兵收捕石下犬子鬼天官名號件列如左
上請玄老大將軍兵士十萬人上請威明大將軍兵士十萬人上請地里大將軍兵士十萬人上請石仙大將軍兵士十萬人上請五色大將軍兵士十萬人上請節蓋大將軍兵士十萬人上請青蓋大將軍兵士十萬人上請赤蓋大將軍兵士十萬人上請白蓋大將軍兵士十萬人上請黑蓋大將軍兵士十萬人上請黃蓋大將軍兵士十萬人上請督天大將軍兵士十萬人
右件一十二部天官君將吏兵一合降下天克地墜盡來徑到某家身中收捕某家所養石下犬子之鬼水官乳母雜神使斬殺之以明大道之威急急如律令

勅某年太歲某月某日某辰祭酒臣謹移告抱壁州丘石郡太守孔里縣令封亭鄉石葉里案前件官所領境界山石下犬子鬼不淨小鬼侵入與土病害某家某身晝夜啼叫瘡痛癩癩瘡疔不絕尋看疾狀正是犬子小鬼水官乳母等為害各有州郡由其所管太守檢錄不動致令放逸傷害天人從今已去宜精加檢錄不得有違若或更來犯害某身者收得斬之不想所主太守別加考責一如太上老君律令



收犬子鬼
水官乳母
天殺之

泰玄都云云
上言謹案某州某縣某鄉某里
大道弟子某牲以奉屬
太上大道諸君文人因三師香火以自保理
而修奉多違動靜不利自某月某日以來男

女某染疾四支沉重瘡腫嘔吐晝夜痛楚乳
哺不下醫藥不愈尋其疾由恐是某家所養
石下犬子水官乳母林前洗浣新婦等鬼伏
人房室取人兒女尅害殺之求乞章奏以獲
除滅救拔男女某性命得遂生全長養成立
紹續胤嗣元元之情在可哀憫臣不勝所見
謹為冒罪拜章一通上聞

天曹伏惟

太上老君太上丈人天師女師三師君門下

五炁君乞垂神貺覆衣某家即日請太山青

虎食犬頭肝銜山赤虎食犬心華山白虎食

犬肺鎮山黑虎食犬腎嵩山黃虎食犬脾五

方虎軍同時來下收食石下犬子小鬼水官

乳母五瘟疫毒兵獵注殺形穢呪詛新死故

亡邪魅魍魎雜神惡鬼假託自號壁州刺史

丘石郡太守乳里縣令封亭鄉石葉里自稱

崖王將軍強殺將軍善連天人自稱東方青

犬將軍南方赤犬將軍西方白犬將軍北方

黑犬將軍中央黃犬將軍自稱天上守門犬

子地下守門犬子抄狼黃頭黑口青耳白手

白足大者長一丈五尺小者長一丈二尺自
稱天牢乳母洗浣新婦流行上下傷害小兒
遺者非一太上真炁無不收剪今行符告壁
州丘石郡太守宜應精加檢錄勿使更犯所
請一十二部天官君將吏兵運入某身圍繞

前後嚴加備伺必使擒獲犬子小鬼五瘟疫
毒寒瘧外殍客死兵獵新死故亡破射之鬼
張羅布網次第收剪至今除殄男女某所疾

悉令退散斷絕以明

大道正真之威某性命獲全與死度脫乳哺

甘進宜利父母永為

大道香火萬代種民紹續系嗣宅宇清吉春

屬安寧以為效信恩惟

太上無極大道太上師尊上官典者垂慈省

理操臣謹為某請天官吏兵一十二部收剪

石下犬子小鬼拜奏大章一通上詣

某曹伏須告報臣誠惶誠恐稽首頓首再拜

以聞

斷除非所祭祀鬼神復連章

具法位臣某誠惶誠恐稽首頓首再拜

上言謹案文書某州某縣某鄉某里第子某
宿世積善奉屬

大道常蒙覆庇伏用欣榮而修奉多違動招
考責自頃以來為外殍鬼賊妄相刑尅數為
祟害性命危迫披告向臣求乞章書以自分

別臣不勝所見謹為冒罪拜章上聞

天府伏願

太上老君諸君丈人天師女師三師君門下

五炁君等垂神早省小臣所上章詞即時上

達賜以道炁覆衣某之身臣伏尋外殍某鬼

與某家非有相關自有子孫依時祠祭不合

妄為崇惠復連平民正一科文女青鬼律合

申誅剪以安萬姓謹為上請誅殃君官將百

二十人治倉明官又請都星君一人官將百

二十人治清蓋官又請下明害炁吏又請天

皇敢健吏兵士三十萬人並一合來下主為

某除蕩客死外殍異姓非所祠祭之鬼妄為

復連者收而斬之誅而滅之斷而絕之悉令

分別立使清淨又請男女尸殃病死脛死卒

獄死燒死刀兵虎狼死之鬼吏兵各五十人

主為收除外鬼他神非祭祀所及妄來復連
平人者況蒸嘗不同祭祀各別殊門異戶不
復相關立須斷絕不得妄相侵犯如欲更來
復連某人者當得河水逆流白石水上浮亂
絲千大馬角六尺三足鳥五十頭九尾狐三
百頭可來相求不能如此者即與某人天別
地絕千年萬歲無相侵擾又請東西南北中
五方斷訟神君各一人官將各十二人主為
某家閉絕復歲連歲復月連日連日復
時連時皆令閉絕某疾病除差災厄銷平性
命安全魂神澄正邪精摧伏正蒸宣行千苦
萬痛豁然除愈被受
大道同極之恩惟蒙
太上省理分別云云操臣謹為某請天官吏
兵除斷外姓鬼神強拜客死之鬼妄為復連
斷絕誅滅大章一道上詣
某曹伏須告報臣誠惶誠恐稽首頓首再拜
以聞

為疾病分解存亡盟誓呪詛章
具法位某誠惶誠恐稽首頓首再拜

上言謹案文書某州某縣某鄉某里第子某
年若干歲某月某日生即日奉詞有幸之運
生在法門得奉

大道名係玄籍荷恩賜綿歷歲年而修奉
多違頻招不利某以某年月忽染疾患未獲
痊平旦夕憂惶性命懸迫察其狀候恐有犯
觸警盟厭蠱為害沉綿且久憂迫萬端求乞
章書以自分解臣不勝所見謹為冒罪拜章
上聞

天府乞巧

太上老君太上丈人天師女師三師君門下
典有五炁君等留神早省小臣所上章文以
時仰達賜

大坦真炁覆衣第身即為告下天官吏
兵所除某先世以來九玄七世三十六祖有
犯呪詛盟誓之炁來為某者一切解除之或
有宰鬼引神呼天告地指日月星辰及所在
神祠行廟一切形像有情無情有識無識樹
石草木山川水火蠢動之物為證誓者或屠
宰初命飲血啗肉或刻石折金為證誓者先

人所作殃連子孫致令疾病縈仍性命不保
慮恐一旦淪沒九泉雀鼠食生求哀請命謹
為上請赤冥官中太丙君一人官將百二十
人主為分解先世今世存亡所犯呪詛之炁
立令斷絕又請破拜君一人官將百二十人
主為收斷呪詛形禱之鬼又請護祐大將軍
一人官將百二十人主為保護疾厄之人即
蒙除差災厄度脫年命延長還顏復色呪詛
絕息其先人所立呪誓若以子丑寅卯日牽
鬼呼神為呪詛者子丑寅卯神明君為消除
之若以辰巳午未日牽鬼呼神為呪詛者辰
巳午未神明君為消除之若以申酉戌亥日
牽鬼呼神為呪詛者申酉戌亥神明君為消
除之若形生命為呪詛者各隨物類消而化
之若折金石土木為呪詛者各隨其形自消
平之萬誓並除千殃弭息如願之日被受重
恩惟蒙
太上省理分別云云操臣謹為某上請天官
吏兵解除前代今生盟誓呪詛保祐疾病乞
就痊平章一道上詣

其曹伏須告報臣誠惶誠恐稽首頓首拜拜
以聞

生算度厄章

具法位某誠惶誠恐稽首頓首拜拜
上言謹案文書某州某縣某鄉某里

大道弟子某官某年若干歲本命某某月某
日生戶口若干人即日叩頭列詞歸命

太上大道求乞章奏扶衰度厄延命生算安
寧宅宇清肅龍神祐護人口保宜財祿解災
救難以全性命詞情懇切理在可申臣不勝
所見謹為冒罪拜章上聞

天曹伏惟

太上老君太上丈人天師女師三師君門下
上官典者君吏留恩省念小臣所上章書通
行上御乞

大道真炁覆表其家大小之身平安無他災
厄超度凶衰解散憂患止息臣謹為某上請
東宮生算君一人度三災九厄吏兵君吏將
士各百二十人又請南宮生算君一人度瘟
疫火災厄官將吏兵各百二十人又請西宮

生算君一人度兵災傷殺厄官將兵吏各百
二十人又請北宮生算君一人度疾病水災
厄官將兵吏各百二十人又請中宮生算君
一人度五土山川災厄官將兵吏百二十人
又請收殍君斷殍君破殍君各一人官將兵
吏各百二十人又請雲中窮奇食鬼君一人

三足鳥兵士四十萬人九尾狐兵士四十萬
人一合來下主為某同心併力上發天門入
九天之上下發地戶入九地之中中詣五嶽
四瀆三河四海九江八極河伯水府太山鄩
都諸大地獄三台四司天下地上天上下地

一切曹屬之中解除其家親緣眷屬男女大
小所有前生今生千罪萬過千殃萬結千考
萬責千災萬厄一乞和解考訟絕滅上解天
羅地網之厄次解三天八會二十八宿星辰

之厄次解十二時辰支干歲刑月殺魁綱衝
破加臨之厄次解三五七九橫九災之厄
次解二四六八五行八節八醜臨年之厄次
解宅舍虛耗五凶六吹相鬼妬神夫婦男女
父母妨害之厄次解移徙嫁娶行喪入塚背

黃向黑背禍向禍背順向逆背言向凶背王
向衰之厄次解犯天禁地忌歲禁月忌日禁
時忌年禁命忌之厄次解犯觸太歲大將軍
太陰太陽大耗小耗十二月建七十二神陰
陽刑德凶言鬼神之厄次解東西南北四面

八方新死故亡雄雌注殺破射死次喪車殺
鬼星書各取代形復違枉橫非災之厄次解
連天犯地破戒違經愆盟負誓忘恩不義淫
佚不仁之厄次解他人杜窻符廟惡鬼凶神
遊殃害殺之厄次解新舊宅宇隔絕前後犯
觸土公傷害之厄次解六畜收養欄柵欄圍

確確井廟鎮壓犯害之厄次解前世今生九
玄七祖宿殃餘考債訟引注考逮子孫之厄
次解前代今生所犯元逆醜惡難赦不原之
厄次解五行大獄九幽地獄太山二十四獄

鄧都三十六獄曹府追攝拘執魂魄之厄次
解天曹地府天地水三官黑書死籍之厄次
解他人之家先世今代形椅呪詛牽引復連
之厄次解祖宗眷屬父母伯叔兄弟姊妹姑姨姊
妹兒姪孫息死亡復連之厄次解隣里四面

疾病時瘟疫毒之惡連染之厄次解征伐誅討劫殺謀害刑獄刀兵官災寬橫之厄次解牢獄閉繫囚束刑徒之厄次解虎狼蟲蛇毒物傷害之厄次解惡人謀議厭毒盟呪相害之厄次解六畜死亡傷失財物耗散之厄次解風虛勞冷四百四病之厄次解五方五厄次解年窮算盡極絕命凶之厄次有夫妻男女父母眷屬身中大厄小厄大衰小衰並乞除解即使東斗注算西斗記名北斗落死南斗上生還名玉曆青簿之中上壽百二十歲永為。

大道萬歲種民出入隆利卜夢真言公私和泰年祿未延所請天官君將吏兵有功勳者隨臣三會都章言功舉遷不負信誓恩惟太上省理云云標臣謹為某官某居家不利分別災厄請天官吏兵拜上解災度厄大章一通上請
某會伏須告報臣誠惶誠恐稽首頓首拜拜以聞
太上宣慈助化章卷之三

太上宣慈助化章卷之四

廣成先生杜光庭 奏
元皇上品六合生算章



具法位某誠惶誠恐稽首頓首拜拜

上言謹條弟子某口辭具列比來為家軼軻宅舍凶虛夢想紛紜諸無良利即日叩頭陳請乞弟子某生算度厄增年益壽解除妨害推定生年生月解災度厄防保身命查辭但其自惟弱狗職質叨蒙至貴之身朝菌之年謬遇正真之道祖宗仰崇教玄門視耆相永歸命

太上大道隸屬諸君大人荷宿慈衛義重高天奉願業修恩深厚地恐弟子某生逢五濁運屬三災誠染六情業達九厄心神迷悶智慧昏昏至於奉法多違正教致使真靈不祐鬼惡相侵比載已來且多違越所觀觸犯非宜無遠可告至於遇患災與訟論宅舍不寧

人口瘦疔然弟子某入此歲初學臨春夏群鳥亂鳴惡音不絕夢想無善象難災生志向悉乖本意或是弟子夫妻妨害或是年命衝破生月子午相衝生日尅身有庚生年計算不定生月又有參差安命生時星曆不穩從

茲一定永劫身輪尋用為於後永定若非會厄災忌即是宅舍受災或過七傷之年或當五鬼之歲或遇四殺之月或值六害之凶或臨八難之憂或當七傷之忌或臨九坎之禍或值十絕之殃或恐弟子某前後移徙不得吉日出入失於良時所向既犯惡神最昏復乖天道觸犯無謝緣造致凶或夫妨妻子刑及父母命違衝破年到歲星或入天門或過純陽九厄之鄉或臨地戶絕陰入墓之凶上為天羅所纏下為地網所繞混囚魄繫幽閉三官陰陽閉隔且非誠後之忌在此之年窮絕之凶正當今歲前表未定後厄復興且會凶殃屢違軼軻往往相尅頻頻涉害弟子某即目情下不安大小周憚實為驚駭自非上託玄極生進扶救無以爽此深災若不告